

Ittoqqortoormiunut Ittoqqortoormiiniillu angalanissat pitsanngorsaavigineqarnissaat pillugu Naalakkersuisut nalunaarusiornissamik peqquneqarnissaannik Inatsisartut aalajangigassaattut siunnersuut. Nalunaarusiami aningaasaliissuteqarnissamut periarfissat ilanngunneqassapput. Nalunaarusiaq upernaami ataatsimiinnermi 2026-mi Inatsisartunut agguanneqassaaq.

Inatsisartunut ilaasortamit Mette Arge-Hammeken Naleqqameersumit saqqummiunneqartoq

pillugu

Sanaartornermut Ataatsimiititaliap

Siunnersuutip aappassaaneernejarneranut

ISUMALIUTISSIISSUTAA

Sanaartornermut Ataatsimiititaliap suliarinninnermini ukuninnga inuttaqarpoq:

Ataatsimiititaliap suliarinninnermini ilaasortarai:

Inatsisartunut ilaasortaq Justus Hansen, Demokraatit, siulittaasoq
Inatsisartunut ilaasortaq Gerth Mikaelson, Naleraq, siulittaasup tullia
Inatsisartunut ilaasortaq Jørgen Rosbach, Demokraatit
Inatsisartunut ilaasortaq Nivi Heilmann Efraimsen, Inuit Ataqatigiit
Inatsisartunut ilaasortaq Bentiaaraq Ottosen, Atassut

UKA 2025-imi ulloq 21. oktober siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Ittoqqortoormiunut Ittoqqortoormiiniillu angalanissat pitsanngorsaavigineqarnissaat pillugu Naalakkersuisut nalunaarusiornissaannik peqquneqarnissaat aqqiissuteqarnissamullu aningaasalersuinissamut ersarissamik allaaserineqassasut siunnersuuteqartumit kissaatigineqarpoq.

Siunnersuutip Inatsisartuni siullermeernejarnera

Inatsisartuni siullermeerinninnermi siunnersuut taperserluarneqarpoq Naalakkersuisunillu allannguutissatut siunnersuut ataani allasimasooq saqqummiunneqarluni:

” Ittoqqortoormiitut Ittoqqortoormiiniillu angalanissat pitsanngorsaavigineqarnissaat pillugu Naalakkersuisut nalunaarusiornissamik peqquneqarnissaannik Inatsisartut aalajangigassaattut siunnersuut. Nalunaarusiami aningaasaliissuteqarnissamut periarfissat ilanngunneqassapput. Nalunaarusiaq kingusinnerpaamik Upernaakkut 2027-mi ataatsimiinnermi Inatsisartunut saqqummiunneqassaaq ”

Siunnersuutip aningaasatigut kingunerisassai

Siunnersuuteqartup piviusunngortinneqarnissaannut aningaasatigut allaffissornikkullu kingunerisassat allaanneqarsimapput taamaalilluni AC-tut ilinniarsimasup ukiup affaani akissarsiaasa nalinginik 250.000 kr.-nirik akeqarumaartoq naatsorsuutigineqarpoq.

Ataatsimiititaliap siunnersuummut oqaaseqaatai

Siunnersuut taperseerqarluarmat siunnersuullu pilersaarutigilerigaannut Naalakkersuisut nuna tamakkerlugu innuttaasunut tamanut angallassinermut ingerlaavartumik pitsanngorsaaneermik suliaqarnerannut atassuteqarmat ataatsimiititaliamit maluginiarneqarpoq.

Siunnersuutigineqaqqaartup Naalakkersuisullu allannguutissatut siunnersuutaata allaassutaat tassatuaavoq nassuiaatip 2027-mi upernaakkut ataatsimiinnissamut nassuiaatip saqqummiunneqarnissaat piffissatut killiliunneqarsimasoq ataatsimiititaliap aamma maluginiarpaa.

Ataatsimiititaliap inassuteqaatai

- Ataatsimiititaliap isumaqatigiittup Naalakkersuisut allannguutissatut siunnersuutaata akuerineqarnissaa innersuusstigaat.

Taamatut oqaaseqaateqarluni isumaliutissiissummilu allassimasutut paasinnilluni
ataatsimiititaliap siunnersuut aappassaaniigassanngortippaa.

Justus Hansen
Siulittaasoq

Gerth Mikaelson
Siulittaasup tullia

Jørgen Rosbach

Nivi Heilmann Efraimsen

Bentiarag Ottosen